

IHUAQHARLUGIT Iliharviit Ikayuutikhait Nunavunmi Iliharvingnun





- Ihumangitigut Havaakhaq: Apirilugit nipiliuqtauyumakpata inmi atuqtatigut nunaqyuami aaniarutauyuq (piumakpata). Akhuungnaqa havaklugit katimayut tadjat? Qanuqtut ihumaginiaqigu kinguniqqut tadjat 20ni ukiuni? Hunat itqaumayumavigit? Tainiit piksaluuniin ikayuutauniaqqat tamangnikluuniit? Katimayut piksait havaktauniaqqat? Attautit titirayarlugit atuqhimayatit titirangmun, ukualu kivyauyaahimayut piksaat. Ayagutaaq havaktauluni. Qiuquluuniin tutquqtauvikhaq ilihagtut anmagakhaa uvani 2040mi.

Mihigimalugit mihingnautait

Mihigimablugit mihingnautit “piyaangnirit mihimablugit aalat inuit mihingnautait, tautuktuyaaqhugit hunat ihumagiyait mihigiyaillu.”

Brené Brown uqaqhimayait, “Mihigimablugit mihingnautit tuhaqtidjutit arlingnaqtuq mamihautikkut tuhaqtidjut 'Avaliingituit.’”

Hulidjutit aularutaa mihigimablugit mihingnautit pihimayaangini tamaita **qayangnaqtumik** imaa piyakhaungitit ihuiguhuutit ayuqhautigilugit. Mihigimalugit mihingnautait akhuungnaqtuq ilitariyaangani imaalu **kiudjutigiblugit tuquffihungnirit**. Ilihmayakhavullu naunaiyautait tapkua attautit naglikhaaliqtut.

Qanuqtut Hivuliqhuqtut havaqatigiit havaktillu upalungaiyarniaqqat?

- Aularutilugit katimadjutit apirilraarlugit qanuq inuit mihingnautainik **ilitarilugillu** hunat akhuungnaqtut inmingnun aularutinagit katimadjutit?
- Hunat havauhikhat atuqtauliqqat ikayuutikhat havaktinun ilihagtununlu kitut ayuqhautiaqtut? Ilaliutihimayakhaqqat nayugahainik iliharviit iliharniinun ikayuutikhanik?
- Qanuqtut **ilitarniaqigit** tapkua mihigimalugit mihingnautait pidjutiqangniaqtut unaguqpalaarnirmun? Hunat turaaqhimayut ikayuutit havaktauhimayut ikayuutikhait inmingnun?
- Qanuqtut tuhaqtiniaqiuk 'naamaktuq naamanginiq?' Hunat upalungaiyautit ihariagiyayut hapkununga havaktinun ilihagtinun ihariaginiaqtait/ikayuutit ihariagiyayut naunaiyaqtaukpata?



- Hunat iliharviit ilihaqtitait mikhaagun akhuurutait mihigimablugit mihingnautit qanuqtullu havaktauniaqqat? Una ihivriuffaaqtauniaqqa havaktaulunilu ilauyumun utiffaarnirmun iliharviit ilihaidjutainun?

Hulidjutit

- Kinguani malruk/amigaitut havaktait quyaginaq hulidjutit, katitpata attautimun havagiangi ihumagiyait, mihingnautait, ihumagiyailu. Katimayutigut, hunat iliturivigit haffuma atungniagut atuqtaqqut? Kitut piksait takunaitut iliharvingni? Hunat pidjutaungitut tapkua ilihaqtut iliharvingmingni ihumagiyait hakugiktut piksat atungniitigut?
- Mihingnautinun Naunaiyaidjutit makpiraat: Akhuungnaqtuq ilauyuq ihumakktut ilihaidjutit nipiariangini uqarlugillu mihingnautit, ilitariyaanginilu naunaiyautait qanuq aalat mihingnautigiyait. Havaklugit naunaiyautit makpiraat mihingnautit tainiinik – quviahuktut, ingumayut, qaurunaaqtut, iqihuliyut. Havaklugit mihingnautikkut qaimaluriktumik – tunihiluti hitamanik titiqqanik. Tamaita titirautiqarlutik titirarlutik naunaiyaitqaqtunik aadjikiinik titiqqani. Atuqtuuyangniq pidjutiqaqqa aallatqiinun idjuhirmun kiluutairutiyutut amigaitunik tainirnik? Kitut tainiit paqinaqtut amigaituni pidjutauyuni? Piqaqita atuqhugit amigaitqiat attauhirmik mihingnautinik? Piyaaruvinnu, uqautigilugit iqihulidjutit tugliunirmun ihumamun. Hunat mihingnautit ataaniitut, naunaiyautigilugu, ikhiniq, qilanaarniq, iqihulinirmun?
- Kalangit Mihingnautit: Malruulugit, apirilugit ilihaqtut pilutik pingahunik tainirnin titiraqhimayunin nkauutqiamik qanuqtut mihingnautitik mikhaagun iliharviit umingniranun atuqhimayatik. Hunat kalait piimayait pidjutikhat mihingnautinun? Uumatinguamik titirauyarlutik aturlugit hpakua kalat. Pilutik pingahunik tainirnik naunaiyautinik qanuq mihingnautitik utirnirmun iliharvingnun. Ttitirauyaffaarlutik aalamik uumatinguamik aturlugit kalait pidjutikhait hapkua.
- Ilingnik ililutik Piksaamun: Qiniqhialutit piksanik nunaqyuami aanarutaanin. Pilugit tapkua inuit uukturlutit pidjutigilugit aalakiit inuit atuqhimayaillu. Pingahuulaarlutik apirilugit ilihaqtut ihumaliurutigilugit inuit piksani ihumayut mihingnautiailu. Inmi piksamitkumik, humut inmi iliniaqqat inmi hunaniklu ihumayut mihingnautitiklu? Piyaqqat, aturlugu 8.5 x 11 aktilaqaqtumik titirangmik piksat mikiyullu titiraviit



tainiinun ilaliutiyukhat ihumayainun , mihingnautainun, nipitirlugit naunaiyautinik inmingnik.

Qayangnaittumik

Qayangnaittumik pidjuraa humi nayugaaniluuniin humi hivuuranailrumiititit. Ihariagiyavut qayangnautinun uqautauluni **ilitaridjutikkut** haffumuuna ihariagiyaapingnun, pidjutiqaqtuq aalanun, tuhaablugit **mihigimalugit mihingnautait**, uqautigilugit qanuq idjuhiqatikhaqqut taimaali katitiqhimayut ihariagiyavut qayangnautinun uqautauyaangani. Havangitkuptigit ayungnatut apiqhuutit mihingnautillu, pidjutiqaangiaqtut 'nunap ataani,' alianaiguhungnikkut idjuhiit, inugianirmiinginirmun attautinun ihuitunik kangiqhinirmun imaalu/imaaluuniin kangiqhiluanganirmik.

Qanuqtut Hivuliqhuqtut havaqatigii havaktillu upalungaiyarniaqqat?

- Qanuqtut havangniaqita ikaangikhanik nayugahainiklu ilaulugit ilihaqtut uqautigiyaangini inmi ihumaaluutitit qanuq pidjutigilugit ihumaaluutit tuhaayavut?
- Qanuqtut tunihiniaqita ikaangnikhanik nayugahaniklu ilaulugit havaktit uqautigiyaangini inmi ihumaaluutitit uqariyaillu?
- Hunat naunaiyautit atuqigit naunaiyariangini tapkua ihariahukluaqtut? Humit pihimavigit naunaiyautit? Angayuqaat, timiuyut, ilihaqtut, havaktut?
- Qanuqtut havaffaangniaqqat havauhikhat pihimalugit ilihaqtut havaktillu tamangnun iqaiyangnikkut ihumakullu qayangnaittumik?

Qanuqtut upalungaiyariangani ikayuutikhanik ilihaqtunun

- Hunat ihariagivigit ikayuutikhat hivuuranailrumun iqaiyangnikkut ihumakullu?
- Huliniaqqit ikayuutikhangnik ilingnun?
- Huliniaqqit ikayuriangini aalat iliharvingni nunallaangni?
- Qanuq ilihangniq ikayuutauniaqqa? Qanuqtut iliharviit avatiit ikayuutauniaqqa?



Hulidjutit

- Uqautigilugu tainia qayangnaut, kitut pidjutauniaqtut nutaanun ihumaliqinirmun. Uvani ilihaidjutini uqautigiyaqqut iqaiyangnikkut qayangnaittumik ihumakullu qayangnaittumik. Aturlugit titiraqhimayut Ihariahungnikkut Titiqqat (ilauyut hapkununga ikayuutikhat) unguvarlugu tainiq qayangnaut hapkunanga. Paqiniaqtatit aturuminaqtut naunaiyariangini aalakiingnirit qitqani ihariagiyauyut piumayauyullu.
- Ihuaqharlugit titiqqat kaimaluriktumi apirilugit ilihaqtut: hunat ihariagivigit qayangnaittumik iliharvingni tadsja – ublumi, uvani havainirmi, uvani ukiumi (pilugit kiglikhait)?
- Ililugit titiraitut titiqat iluani kaimaluriktup ukuali ihariagiyauyut talvaniingitut. Apirilugit attautit pilugu attauhiq akhuungnatqiaq inmingnun. Ikitunik ilihaqitiguvin, piumalutit malrungnik. Aturlugit kiudjutit havagiangini iliharnikkut angirutit, naunaijautigilugu: “Iliturihimayugut amigaitugut ihariagiliqtaqqut ilanariingniq tadsja. Tautuktilugit ilanariingnirmik imaa uqaqatigilugit inuit kitut uqaqatigiluayuitat.” Attautimut taimaali iliharviit nanminiriyangani angirut.
- Iqaiyangnikkut ihumakullu qayangnaittumik atauyut. Naunaijautigilugu, quviahungitkuma, iqihuliguma kinali nangiqqat qanitpalaaqtumik uvamnun, talvanga ihariagiyaqaqtunga ihuangnikkut imaalu/mihigimablugit mihingnautit.
- Aturlugu Unipkaangnirmun Kikariktut qiuqutit (ilauyut uvani ikayuutikha). Ikitunik, igilugu qiuqutinuaq unipkaaliurlutit pihimayut piksani takunaqtuni. Ahiagut, igilugit ilait tamainun iliharvingmun attautit katimayut unipkaaliurlutik pihimayut taapkununga. Attautit katimayut aadjikiinik piksaqarniaqtut kihimi aalanik unipkaaliurlutik. Apirilugit katimayut havaklugit unipkaatik kaimaluriktuni.



Tuquffinarniq

Tuquffihungniq pidjutauyuq attautinun nunallaanunlu imaa ayungnaqtutigut hulidjutinun.

Amigaitut havaktit ilihimayaat aalakiit nutarautilugit atuqhimayait (atia ACE atuqtauyuq) hulaqutait tuquffihungnirmun ilihaqtunun, kihimi ukuatauq katitiqhimayut tuquffihuutit? Una mihigimayauyuq kinguani hulidjutit hivituyumik atuqtauyuq.

Akhuvalaaq pidjutauyuq tuquffihungnirmik amigaituni hulidjutini, ikhiurniq piqpagiyainun, huingnirmun piqpagiyayn, maniliurnikkut ihuanginiq, ikhiniq takuhimaituq hilami tatqaani, avaliingaaqtitauniq avinirli iliharviit umiktitaungmata, qilamiurniq, qayangnautiqaqut iglumingni, amigaitut tuhaadjutit inungnunlu tuhaqtitautit, inuuhirmun aalanguqtirutit iip kaffaqtarniatigut.

Ilihimbablugit **ilituriblugillu** hapkua hulidjutit akhuungnaqtut utirupta iliharvingnun. Akhut ayuqhautigiyaqut ihuaqhiffaarnahuarlugit hunat uvaptingnun ilihaqtununlu, qilamiurluta ilihimayaptingnun, ihuaqtumik. Ilaali, hapkua hunat akhuungnaqtut, kihimi uqautigingitpata, hulidjutit tuquffihungnirmun takunangitut akirat igluami. Una tadjia hulidjutiqangniaqtuq inuuhirmun, ilinirmun, iliharnirmun, iqaiyangnirmun, ihumamun, inungnunlu pivallianirmun.

Qanuqtut Hivuliqhuqtut havaqatigiit havaktillu upalungaiyarniaqqat?

- Hunat upalungaiyautit/ilihaidjutit havaktit ihariagiyaat **ilitarilugu** pidjutigilugulu inmi pidjutait unalu tuquffihungniq, kihimi tapkua ilihaqtut? Qanuqtut apiriniaqigit? Kia piniaqqauk una qanurlu?
- Hunat aadjikiiktukhat ihariagiyavut paqitaangini qitqani ihuangnikkut ihumagiblugit ilitariblugillu ayuqhautit uluriahuutillu?
- Qanuqtut ikayungniaqigit ilihaqtut (uvagut) havauhiit pihuqhaangitumik hunat atuqtavut, turaaqhimaitumik atuqhimaniit atuqtavut?
- Hunat inungun-ihumamun ilihaqtavut hivuani nunaquyap aanniarutaani havaktakhavut? Hunat ilihautit ilihaidjutit nakuutqiat ikayuutauyut ilihaqtunun pidjutigiyaangani atuqtauyuq (ihumagilugit aalakiit ilitaarnirit)?
- Hunat piyakhat, attautimugiangani qayangnaittumik katitiqhugit atuqtaunirit mikhiyuumiriangini mihingnautit avaliingarnirmun avainirmunlu (atuqtuuyaq, ingutaarutit, titirauyangniq, atungnikkut, qingautikkut, taimaalu.)?



- Piqaqa ilaliutihimayunik ikayuutikhanik ihariagiyaptingnik upalungaiyaqtukhanik, taapkununga ilihaqtunun kitut atuqhimayut tuquffihungnirmik attautit ilaliutihimayut atuqtaptingnun?

Hulidjutit

- Pigiartit: Iliharvingnun ihariagiyaqarniarungnaqhiyuq ililugit ilangit **pigiartit** atugahanik. Pigiartit nipaitumik, titirlutik. Itqaumayamingnik humi piksat tainiinlu nivingarlugiluuniin havaktauyukhat. Atuutiliurnirmun, pataktarlutik numirlutikluuniin. Igalutik niriqatigiiklutik.
- Munaqhidjutit: Upalungaiyautit haffumunga hulidjunmun, ikayuutauniaqtuq kangiqhimalugit qanuriliurnirit qaritap. Atuliraangaptigit angiyut mihingnautit tapkua ayungnaqtut uqarlugit, iqaiyangnikkut pidjutiqaqtugut. Aumaalakluta, uumat tigliqtlarluni qilamik, nutqakayakluta, irialakluta, qimaaluta. Atuliraangaptigit mihingnautits, huliluta hunanik tapkua tungavigiyakhaptingnik ikayuutikhat atadjutikhanik timiptingnun, munaridjutikhat ihumaptingnun ihumaliuriaptingni ilauyuq ihuaqhidjut qaritaptingnun. Atuqhimaarlugit ihuaqhaidjutikhat ikayuutauyut haffumunga:
 - Aadjiliurlugu algat inugangnun
 - Numirlutit
 - Ihumalutit qayangnailrumiitutit
 - Numiutigilugu atuqtuuyaq
 - Aturlutit, pataktarlutit
 - Titirauyarlutit, mingukhilutit
 - Aniqhaakhimaluni ilunmun 4 secondsnik hılanmun 6 secondsnik
- Apirilugit ilihaqtut hunat aalat ihumagiyait atadjutikhait tadjamun, qanurlu ikayuqatigiigutikhait takugumik hapkuninga qanuriliurutinun.
- Pidjutiqarlugit: Ilihaqtut' uqautigiyaqaqtait hunat qanuriliurutit inmingnun qanuriniitigut hakugingnitik tapkununga avatimingnun. Kaimaluriktut attautimuktitiyut inungnik hakugikhiyuumiriangini ilauqatigiigutait. Ulapqiatigiigutinin ulapqidjutinik ikayuutauyut ilauqatigiingnitmun. Takugungni ilihaqtutq ayukhaqtuq ulapqidjutinun, tamna piyakhaq hakugikhiyuumirutigilugu ilauqatigiingniq attautimun. Ulapqiyumangitpata ulapqipkaruilaklugit. Uqautigilugu



uvatiagu. Pidjutigilugit mihingnautait ihumagiyailu tamainun ilihaqtunun kaimaluriktumi havaklugit pitquhikkut tapkua akhuuqhaidjutikhat uqautikhat ilituridjutillu mihingnautinun.

- Pidjutigiyaat: Tamaita iniqata kaimaluriktumi, uqautigilugit hunat qanuriliurutit ayuqhautit atuqtilugit. Atuqhugit uvanga uqauhiit naunaitumiklu pidjutiqaqtut, ilihaqtut tamangnun kangiqhidjutigiyaat inmi mihingnautitik, pidjutigilugillu (hugiinaqhimitumik). Uqautigilugit inmi mihingnautitik aalanun, tuhaayauniaqtut kiuyaulutiklu ihuaqhiyuumirutigiyaangini hakugikhiyuumirutigilugillu.
 - **Uvanga mihigimayunga** (iqihuliyunga, ningaqtunga)
 - **Humi** (uqarlugit qanuriliurutit)
 - **Taimaali** (huyuq ningautigiyat)
 - **Uvanga piumayunga** (hunat qanuriliyumayatit aalangurlugiluuniin)

Naunaijautigilugu: Uvanga **mihigimayunga** ningarnirmik **humi** ilaupkaqtaunginama **taimaali** uvanga ikayurumayunga. **Piumayunga** ilaulunga hulidjutini.

- Tunilugit hulidjutinik ikitunun ilihaqtunun apirilugit pinguarutigilugit. Tautuktilugu atungnira
Uvanga-uqauhiit nipiquitiumik nipi apirilugit ilihaqtut tuhaalutik aturlugulu
Uvanga-uqauhiit. Kangiqhidjutinun uvanga-uqarnirmun, takulugu hamna *Katimayunun Havauhikkut Atugakhaq* (2016).



ᐅᑕᑎᑕᑕ ᐅᑕᑎᑕᑕ ᐅᑕᑎᑕᑕ ᐅᑕᑎᑕᑕ
Building *Nunavut* Together
Nunavut liuqatigiingniq
Bâtir le *Nunavut* ensemble

Piyakhat

Piyakhaq naunaiyautaa piumayayuq, piyakhaq, hulidjutikhaq. Qalagyuarniq COVID-19 ayuqhautayuq hivuuranarnirmun, ihimi piyakhanunlu.

Piqaliqtuq aglingnaqtumik piyakhamik tadjatamaptingnun katitinirnikullu ihumaliurutigiffaarlugit huna piyakhat ihuaqharlugillu hulidjutivut qanuriliurutivullu. Una ulapiqutayuq atuqtavut 'inuuhiftingni' piyakhaqaliqtuq piyakhanik itqaumanirmik, ihumagilugit hunat atugahat, ihumagilugit hulidjutivut huurlu piyavut, ihumaluta hunanik pihimayaptingnik.



- Pivikhaat Ayagutaaq: Ayagutangualiurlutit kiudjutinun apiqhuutinun attautit kalait pidjutiqaqtut aallatqiinun apiqhuutinun. Ilihaqtut ilihaiyillu iliharvingni kiulugit apiqhuutit. Niruarlugit ihumagiyaayut hivumuurutiginiaqtait.
- Arjiqtaq-Qilaktigut Ihumaliurniq: Ilihaqtut hilmungaqtilugit. Ilihaqtut nangiqulugit nipaitumik. Taigurlugit apiqhuutit qulaani ihumaliurutikhaqarlugit inmi kiudjutait. Uqaqhimaitumik apiqhuqtautilugit. Taiguqataarlugit apiqhuutit. Apirilugit ilihaqtut uilutik qungiarlugit nuvuyat aulayut – hunat nutaat ihumagiyatit – iliharvingnun, ilingnun? Katiffaarlutik kaimaluriktumun tuhaayaangani kiudjutainnik.

Inuuqatigiingniq

Hulautit iqaiyangnikkut unghaktilaaqarnirmun avaliingaarnirmunlu angikliyuumiqtut iliturihimaniq akhuurutinun inuuqatigiingnirmun. Hivuliuyukhaq, iliharviit angmaqata, havaffaarlugit inuuqatigiingnikkut humi ayuqhautiqangnikkut.

Inuuqatigiingniq qitqani iliharvingni havaktit ilihaqtullu, qitqani ilihaqtut, auladjutauniaqtut ihuaqtumik tuhaqtitirnirmun iliharvingni, pihugvingni, nunallaallu. Kihimi, uvagut **ilitariyakhavut** tapkua tamaita inuuqatigiingniq kitut iliharviit ihariagiyaat hulaqiyauyuq. Naunaijautigilugu, ilihaqtut utirniaqtut aalakiiktunik aktilaangit ayuqhautait ilihaqatigiiktut qanuriniit atuliffaahugit, inuuqatigiingnirit inirnirnun iliharvingni havaktauffaaqhugit, unalu ilitaridjutit aktilaangit qanuriniit ilauniq aalanun atuffaaliqhugit.

Qanuqtut Hivuliquqtut havaqatigiit havaktillu upalungaiyarniaqqat?

- Qanuqtut inuuqatigiingnirit aalanguqqat? Katimayut paqitivat ihuaqhiyuumiqhimagiyun inuuqatigiingnirmun?
- Qanuqtut inuuqatigiingnirit ayuqhautauvat? Kina avaliingaatitauva ilapkaqtaungiturlu tuhaqtitirnirmun/inungnun tuhaqtitiyunun?
- Ilihaqtut atuqhimavat qaritauyakkut alianaiguhungnirmik? Qanuqtut kiuhimavita?
- Kitut ilihaqtut ayukhautiqangniaqtut utirupta?
- Hunat pidjuit inuuqatigiingnirmun ihuaqtumik qilamik ilauqatigiigutikhat ilihactunun havaktinunlu?



- Ilangit ilihaqtut/havaktit ihariagiyaqaqat kitunun ilaliutihimayunun inuuqatigiingnitmun? Ilanginun piqangniaqqa havaktauffaalugit turaarutait kitunun ilihaqtunun? Qanuqtut naunaiyaqtauniaqat tapkua ilihaqtut?
- Qanuqtut auladjutit idjuhitigut munaridjutit kiudjutait amigaiyuumiyut aktilaangit ihumakkut ayuqhautit pidjutaillu niriuktauyullu havaktauffaarniaqat?
- Qanuqtut inikhaqangniaqat ilihaqtut havaktaulutik inuuhiqatigiingnirit? Qanuqtut ilihaidjutit tunihiniaqat havaffaarnirmun inuuqatigiingnikkut hiviliuluit?
- Hunat hanaqidjutit ikayuutauniaqat ihuaqhainirmun inuuqatigiingnirit?
- Qanuqtut ihuangnikkut upautidjutait atuqtauyukhat uqautigiyaangini ayuqhautait?
- Qanuqtut ilihaqatigiit-munaqhiyut (humi talvaniitut) upalungaiyangniaqat ikayuriamingni?

Hulidjutit

- Atugahat Ilnariingnikkut: Ilihaqtut havaqatigiiklutik atugahanik Ilnariingnirmun.. Hunanik atugahanik ihuariyamingnik ihumaliurutigilugit inmi qanuriliurutikhat. Naunaijautigilugu, qalut qanurunaanginirmik, kangiqhimajunmik, malruk aluutik nagliguunmik. Aturlugu kaimaluriktu palaastik avguivikhaq. Qitqanun ililugu apirilugit ilaliutilugit ilauyukhanik aturlugit ihumatik, hilamiitpata, iliurailutik uyaqanik 'urviuyamingnun' attautinun ilaliutinirmun. Piliurlugit, tunilugit, ihumanguarlugu qiuk angiyuq aluut avguidjutikhaq ilaliutihimayunun. Attautimukuffi, apirilugit iganikkut qungiaqtitilutik. Kitut ilaliutihimayut naunaiqtauvat akhuungnatqiat tamainin? Iliharviit piniaqat atugahanik uqautigiyaangini aalanun iliharvingnun?
- Ulapqiqatigiigutinin ulapqidjutinik ikayuutauyut ilauqatigiingnitmun. Unipkaanirmun ulapqidjutit nakuuyut, hilami kaimaluriktuni. Aularutilugu uqagahanik (naunaijautigilugu: "Angut atqaqtuq akhaluunmin...") attautit ilaliutihimaarlugu tainirnik. Atuqtaaqtatit aalakiit uqauhiitigut titiqat havaktauhimayut Nunavunmi ilihatunin (takulugu piksaa) piinarialik tamaini iliharvingni. Imaalu, aturlugit Piksat (ilauyut uvani ikayuutikhat).



Iluqatigiingniq

Iluqatigiik naunaiyautaa 'ilauluni, huliluni' –ilauluni inuuhiptingni inuuhiqattiarnirmunlu ayuqhautinun pidjuptingnun: Ilihidjutivut, Iliharniq, nunallaallu. Qanuqtut pihimaniaqqat pitquhikkut pipkaidjunmik havaktinun ilihaqtunun nanminirilirlugu timiqut inmi inuuhirmingni?

Iliharvit hiuliqtiit utirlutik havauhirmingnun kinguanin.. Kihimi utirupta havauhirnun iluqatigilugit iliharvingnun nunallaat inuillu uqautigilugit inmi unipkaatik. Piqangitumik atugahamik ilitaridjutikhamik kangiqhimadjutiniklu una 'tadja' – pipkainirmun ilihaqtut timiit ayungnangniaqtut.

Qanuqtut Hivuliqhuqtut havaqatigiit havaktillu upalungaiyarniaqqat?

- Qanuqtut pinariniaqigit inuit iluqatigiingnirit iliharvingnun hivuliqtiuyutit?
- Piniiaqqit qayangnautiqaqtumik pipkailutit aalat hivuliqhuqtulugit?
- Qanuqtut pihimaniaqqit tamaita timiuyut ilaupkarlugit?
- Qanuqtut akhuurutiginaqigit aadjikiingniq iluqatigiingnirmun humi aadjikiingniq amigaiqtuq?
- Huna nakuutqiaq tuhaqtitainirmun haffumunga iluqaitiingnirmun? Angmaumayumik katimadjutit, ayuqituniq, uqaqatigiikhutik, katimayut, iliharviit katimayitut katimapkailutik?
- Qanuqtut ilihaqtut uqautiginaqitait inmi ihariagiyatik?
- Qanuqtut pihimayumik ilaulugu uqautinikkut ilihaidjutit havauhiinun?
- Qanuqtut angirutiginaqqat havauhikhait, ihuangnirit havaangit aalat, tautuktitulutik upalungaiyayumayutit mamihaidjutikhamik?

Qanuqtut ilaulugu iluqatigiingniq ilihaidjutinun

- Qanuq uqautiginaqigit ihariagiyayut ililiutiyukhat inungnun-ihumakkut pivallianiq?
- Qanuqtut tautuktitinaqqit kangiqhimadjutingnik nikalirnikkut aalat atuqhimayait?
- Qanuqtut una pidjutauniaqqa ilihaidjutinun?



Hulidjutit

- Uqautigilugit hunat piunayait – uvani havainirmi, ilihautikhap ukiunga, ukiuq – hapkunani katimadjutini. Hunat akhuungnaqtut iliffingnun, naunaijautigilugu, kingumut qiniqhuni, qinihuni hivumut, attautimuungnirmik, iliharnirmik, ilauqatigiingnirmun, hinakturnirmun, itqaumanirmun, inuuhiringnirmun? Qanuqtut ilihagtut uqangniaqqat inmikkut – atuqtuuyakkut, numiqhutik, titirarlutik, titirauyarlutik, hunaliurlutik, uqarlutik? Angirutigilugit havaktakhat ihumagiyayut tapkua pidjutiqangniaqtut tikinahuarutinun, aturlugit qulaani pidjutikhat ikayuutigilugit imaalu akhuuqhalugit ilihagtut kiulutik aturlugit quyaginaq inmi piunayait tuhaqtidjutit. Attautimukhimalutik kaimaluriktumi upalungaiyaamingnik, uqautigilugit ihumagiyatik, Ihuaqharlugit uplaungaiyautit, ilaani tamaita ilihagtut, malruktigut katimayutiguluuniin.
- Hunat naunaiyautaa timiqutiqangniq piunayallu? Uukturlutik ilanginik ayuqhautinun-ihuaqhainahuarnirmun imaatut ikaarutiliurlutik tuhaqtidjutit titirainun nipitirunmiklu ikhivaplutik ikhivautani. Havakpagit, apirilugit ilihagtut qanurinmangaat ayuqhautinik-ihuaqhainiq ikayutiqangitumik iningnirmik? Qanuqtut ihumavit iniritutainun naunaitkutaqarlugu 1min-5mun humi 1 nakuuluangituq 5 nakuutqiaq? Tunihiniaqqat ihumagiyainik inmi naunaitkutatik? Qanuqtut munaqhinaqqat inmikkut atuqtilugu una tadjat? Ihumagumik ayungnaqtuq havaakhaq, uniutilugit naamaktuq ikayuqtikhaqarumagumik? Kimungauniaqqit ikayuqtauymaguvit? Uqaqtilugit, aadjikiingnirmik qitqani akhuungnikkut munaridjutit, ilitarihimablugu iniririt talvaniitut ikayuqtut.

Angayuqaat munaqhiyullu

- Qanuqtut tunihiniaqqita mihigimalugit mihingnautait tuhaalugillu?
- Qakugu piniaqqat, qanuqtut pihimaniaqqita qayagiyumik attautinun ilagiingnun qanuriniinun, pituqhiitigut, ilaliutilugillu ihariagiyait?



info.edu@gov.nu.ca
gov.nu.ca/education